

Con esta marcha das cousas
estamos moi amolados
os que andaban xustiños
agora van apertados.

Uns falan de contención
outros de conxelación
ao final todos perdidos
sen ningunha solución.

E os políticos contentos
asubían cara o vento
dín que o paso da crise
e cousa de pouco tempo.

Mentres chega o remedio
dos que teñen o poder
comeremos catro codias
de pan sen amolecer.

Presidente Zapatero
ponlle rumbo ao temón
arranxa ben o da crise
que senón vén a ración.

Se non te ves competente
fala coa oposición
Rajoy dirixe un partido
sen tramas nin corrupción.

As liortas que nos cantan
de espías e “pelotazo”
son un invento da prensa
que quere dar o “coñazo”.

A sanidade precisa
unha boa intervención
e os políticos predicán
sen mellorar a xestión.

Envorcados cara o cero
pían alto nas propostas
palabras ditas á toa
que non lle pesan nas costas.

Cando hai que pedir cita
vagamos a pescudala
polos sitios oficiais
que se encargan de borrala.

Os de FENOSA espertan
teñen presa por cobrar
non miran os contadores
e facturan sen parar.

Se non pagas cada mes
córtañche o subministro
te quedas a velas vir
buscando a caixa co misto.

Dez anos de papelame
e promesas incumpridas
dín que a historia do AVE
está chea de mentiras.

ENCE si ou ENCE non
aprendede a canción
cando Telmo sexa alcalde
ENCE vai para Marcón.

Pasarón xa virou cara
para podelo mirar
colleron pulo as obras...
será para rematar?

Pontevedra Club de Fútbol
moito tedes que correr
para sumar os puntíños
que vos fagan ascender.

Non se cansan, nin se renden
os xogadores de azul
o Teucro terá futuro
si hai cartos no baúl.

Obama vai polo mundo
co cartel de triunfador
todos a renderlle honras
coma grande salvador.

Viñemos cantar os Maios
como manda a tradición
cando remate a festa
paparemos o roscón.

Xa chegou a despedida
deste maio cantareiro
acabóusenos a leria
ata o ano vindeiro.

MAIO

C.E.I.P. CAMPOLONGO



ANO 2009

<p>Campolongo canta o Maio nesta cidade de pedra aí van as nosas coplas polo ar de Pontevedra.</p>	<p>Montado en “carrilana” con rodas de bicicleta chegamos á Ferraría coa equipaxe completa.</p>	<p>Emporiso que a miúdo recibimos as visitas dos rateiros que despoixan e marchan sen deixar pistas.</p>	<p>Emporiso que a miúdo recibimos as visitas dos rateiros que despoixan e marchan sen deixar pistas.</p>
<p>Cun saúdo de benvida comezamos a falar traemos algúns dicires que lles queremos contar.</p>	<p>A educación vai en tren ocupa o vagón da cola con billete de segunda e parada na reforma.</p>	<p>A vila padece obras que non se dan rematado non hai cartos suficientes para poñerlles o ramo.</p>	<p>A vila padece obras que non se dan rematado non hai cartos suficientes para poñerlles o ramo.</p>
<p>Viñemos ben preparados coa gorxa afinada pois mollamos a palleta con zume de laranxada.</p>	<p>Plan Bolonia para moitos na ensinanza superior de titulacións a graos sen prestixio nin valor.</p>	<p>Precisamos un GPS para andar pola cidade e camiñar polas rúas con certa seguridade.</p>	<p>Precisamos un GPS para andar pola cidade e camiñar polas rúas con certa seguridade.</p>
<p>Para vestir este Maio de pampullos e fiúncos tivemos que percorrer os camiños e recunchos.</p>	<p>Nas escolas xa contamos cun feixe de competencias para poder impulsar tanta vaga de carencias.</p>	<p>Non vaian polo Concello Campolongo e o Campiño mellor collan por Bos Aires e bañaranse no río.</p>	<p>Non vaian polo Concello Campolongo e o Campiño mellor collan por Bos Aires e bañaranse no río.</p>
<p>Maio verde e florecido de cores e ilusión dos rapaces brincadores da primavera e do sol.</p>	<p>No colexio aínda chove cando flúe a chuvacada o problema vén de vello que o saiba a concellala.</p>	<p>Cando rematen a praia supoñendo que o fan se non esgotan os fondos estará para o verán.</p>	<p>Cando rematen a praia supoñendo que o fan se non esgotan os fondos estará para o verán.</p>
<p>O cuco chega cucando por riba da Ferraría guíndalle bicos ao vento con donaire e alegría.</p>	<p>Cando imos de recreo e azouta a chaparrada veña vento, veña chuvia non se para coa auga.</p>	<p>E tamén por supoñer estivemos cavilando non sería estraño ver a Miguel Anxo nadando.</p>	<p>E tamén por supoñer estivemos cavilando non sería estraño ver a Miguel Anxo nadando.</p>
<p>Canta cuco, canta cuco enriba dunha camelia vén andar o noso Maio que chegou a primavera.</p>	<p>Moitas veces non saímos pois temos que repasar aqueles que non acaben han quedar sen merendar.</p>	<p>Mentres nada e garda a roupa os votos vanlle marchando e os que turran por entrar coa boina apañando.</p>	<p>Mentres nada e garda a roupa os votos vanlle marchando e os que turran por entrar coa boina apañando.</p>
<p>O cuco enredou coas notas abaneando o peteiro e os nenos facendo coro cantaban todos contentos.</p>	<p>Hai artistas que nos baños teñen provocado enchentes cando atoan de papel e atascan os retretes.</p>	<p>Lores vai perdendo apoios elección tras elección o Telmo faille a cama para coller o bastón.</p>	<p>Lores vai perdendo apoios elección tras elección o Telmo faille a cama para coller o bastón.</p>
<p>E os ecos xa se escoitaron con agarimo e dozura foran cantigas de Maio enchidas de fermosura.</p>	<p>Algunhas portas das clases parecían un cangallo tardaron en arranxalas porque dan moito traballo.</p>	<p>E Tareixa mentres tanto botando as contas da vella esfolla na margarida por si lle queda parella.</p>	<p>E Tareixa mentres tanto botando as contas da vella esfolla na margarida por si lle queda parella.</p>
<p>Subimos o noso Maio por detrás de S. Xosé pasamos pola Oliva facendo o camiño a pé.</p>	<p>As persianas aínda fallan e as mesas xa se avellan pero temos un problema que hai portas que non pechan.</p>	<p>O bipartito da Xunta non cumpriu o prometido e a xente de Galicia mandounos para o retiro.</p>	<p>O bipartito da Xunta non cumpriu o prometido e a xente de Galicia mandounos para o retiro.</p>

ANO 2008